

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-16234/22-2
Sarajevo, 29.8.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije-za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu javne nabavke – Izvođenje radova na rekonstrukciji i izgradnji dječijih igrališta na području općine – LOT 1

I

Okvirni sporazum za javnu nabavku u predmetu – Izvođenje radova na rekonstrukciji i izgradnji dječijih igrališta na području općine – LOT 1, broj obavještenja 422-1-3-146-3-111/22, objavljeno na Portalu javnih nabavki dana 25.7.2022.godine i u “Službenom glasniku BiH”– Oglasnik javne nabavke broj 50/22 od 29.7.2022. godine, dodjeljuje se ponuđaču „Mibral“ d.o.o. Sarajevo, sa ponudom u iznosu od 404.321.53 KM bez PDV-a, odnosno 473.056,19 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Obrazloženje

Odlukom broj 02/12-19-16234/22 od 20.7.2022. godine Općina Novi Grad Sarajevo pokrenula je otvoreni postupak javne nabavke - Izvođenje radova na rekonstrukciji i izgradnji dječijih igrališta na području općine – LOT 1, broj obavještenja 422-1-3-146-3-111/22, objavljeno na Portalu javnih nabavki dana 25.7.2022.godine i u “Službenom glasniku BiH”– Oglasnik javne nabavke broj 50/22 od 29.7.2022. godine.

Zapisnikom o otvaranju ponuda od 16.8.2022. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda ponuđača: 1. “Mibral” d.o.o. Sarajevo.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku, te utvrdila da dostavljena ponuda ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu ponude, te utvrdila računsku ispravnost ponude.

Obavještenjem o nabavci i tenderskom dokumentacijom predviđeno je provođenje e-aukcija, te obzirom da je dostavljena samo jedna ponuda u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama, a uz pribavljeno Mišljenje Službe za finansije broj 02/09-11-JN-13 od 24.8.2022. godine kojim se daje saglasnost na potrebni dodatni iznos u odnosu na Odluku o pokretanju postupka, a imajući u vidu važnost realizacije pomenutih radova.

Na osnovu navedenog Komisija je dala preporuku za zaključenje okvirnog sporazuma sa ponudačem – „Mibral“ d.o.o. Sarajevo.

Imajući u vidu da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

